

საქართველოს თავდაცვის მინისტრის

ბრძანება №75

2014 წლის 4 დეკემბერი

ქ. თბილისი

საქართველოს თავდაცვის სამინისტროს სისტემაში ადმინისტრაციული პატიმრობის ადგილების (ჰაუპტვახტის) ფუნქციონირების შესახებ ინსტრუქციის და სამხედრო სადისციპლინო წესდებით გათვალისწინებული ოქმებისა და დისციპლინური საქმისწარმოებისათვის სხვა საჭირო დოკუმენტების ნიმუშების დამტკიცების თაობაზე

„სამხედრო სადისციპლინო წესდების დამტკიცების შესახებ“ საქართველოს მთავრობის 2014 წლის 3 ნოემბრის №615 დადგენილების მე-2 მუხლის „ა“ და „ბ“ ქვეპუნქტების და „ნორმატიული აქტების შესახებ“ საქართველოს კანონის 25-ე მუხლის პირველი პუნქტის „ბ“ ქვეპუნქტის შესაბამისად, ვბრძანებ:

მუხლი 1

დამტკიცდეს თანდართული:

ა) საქართველოს თავდაცვის სამინისტროს სისტემაში ადმინისტრაციული პატიმრობის ადგილების (ჰაუპტვახტის) ფუნქციონირების შესახებ ინსტრუქცია (დანართი №1);

ბ) დისციპლინური დარღვევის ოქმი (დანართი №2);

გ) ღირსეული საქციელის ჩადენის შესახებ ოქმი (დანართი №3).

მუხლი 2

ძალადაკარგულად გამოცხადდეს „საქართველოს თავდაცვის სამინისტროს სისტემაში ადმინისტრაციული პატიმრობის ადგილების (ჰაუპტვახტის) ფუნქციონირების შესახებ ინსტრუქციისა და „საქართველოს სამხედრო ძალების საჯარისო სადისციპლინო წესდების დამტკიცების შესახებ“ საქართველოს პრეზიდენტის 2006 წლის 10 თებერვლის №111 ბრძანებულებით გათვალისწინებული ოქმების დამტკიცების თაობაზე“ საქართველოს თავდაცვის მინისტრის 2006 წლის 2 მაისის №147 ბრძანება.

მუხლი 3

ბრძანება ძალაშია გამოქვეყნებისთანავე.

თავდაცვის მინისტრი

მინდია ჯანელიძე

დანართი №1

საქართველოს თავდაცვის სამინისტროს სისტემაში ადმინისტრაციული პატიმრობის ადგილების (ჰაუპტვახტის) ფუნქციონირების შესახებ

ინსტრუქცია

თავი I

ზოგადი დებულებები

მუხლი 1.

1. საქართველოს თავდაცვის სამინისტროს სისტემაში ადმინისტრაციული პატიმრობის ადგილების ფუნქციონირების შესახებ ინსტრუქცია (შემდგომში - ინსტრუქცია) აწესრიგებს საქართველოს თავდაცვის სამინისტროს სისტემაში (შემდგომში - სამინისტრო) ჰაუპტვახტების (შემდგომში - ჰაუპტვახტი) ფუნქციონირებასთან დაკავშირებულ საკითხებს და განსაზღვრავს ადმინისტრაციული დაკავებისა და ადმინისტრაციული პატიმრობის წესებს.



2. ჰაუპტვახტი ფუნქციონირების სამართლებრივ საფუძვლებს წარმოადგენს საქართველოს კონსტიტუცია, საერთაშორისო სამართლებრივი აქტები, საქართველოს ადმინისტრაციულ სამართალდარღვევათა კოდექსი, სამხედრო სადისციპლინო წესდება, საქართველოს სხვა საკანონმდებლო და კანონქვემდებარე აქტები, საქართველოს შეიარაღებული ძალების საჯარისო წესდებები, საქართველოს თავდაცვის მინისტრის სამართლებრივი აქტები, საქართველოს შეიარაღებული ძალების გენერალური შტაბის უფროსის (შემდგომში – გენერალური შტაბის უფროსი) ინდივიდუალური ადმინისტრაციულ-სამართლებრივი აქტები, დირექტივები, განკარგულებები და წინამდებარე ინსტრუქცია.

მუხლი 2.

1. ინსტრუქციის მიზანია სახელმწიფო მმართველობის მიერ დადგენილი წესის, სახელმწიფო-საზოგადოებრივი წესრიგისა და სამხედრო დისციპლინის გამყარება.
2. ინსტრუქცია ემყარება კანონიერების, პიროვნების პატივისა და ღირსების დაცვის, სოციალური სამართლიანობის, ჰუმანიზმის, საერთაშორისო სამართლის საყოველთაოდ აღიარებულ პრინციპებსა და ნორმებს.

მუხლი 3.

1. სამხედრო მოსამსახურე, რომელიც დაკავებულია ადმინისტრაციული წესით ან მის მიმართ გამოყენებულია პატიმრობა, ინარჩუნებს თავის კონსტიტუციურ სტატუსს, მოქალაქეობას, სამართალსუბიექტობას. სამხედრო მოსამსახურეს აქვს ჰუმანური მოპყრობის უფლება. მის მიმართ გამოყენებული შეზღუდვა არ უნდა იყოს იმაზე უფრო მკაცრი, რაც საჭიროა მხოლოდ იმისათვის, რომ პირი განიმსჭვალოს წესრიგის დაცვისა და დისციპლინური პასუხისმგებლობის გრძნობით.
2. ჰაუპტვახტში სამხედრო მოსამსახურის განთავსების ადგილის პირობები უნდა შეესაბამებოდეს სამშენებლო-ტექნიკურ და სანიტარულ-ჰიგიენურ ნორმებს და უზრუნველყოფდეს ადამიანის პატივისა და ღირსების დაცვას, პიროვნების ხელშეუხებლობას, პირის ჯანმრთელობის შენარჩუნებას, მისი ინტერესების დაცვის უნარს.
3. სამხედრო მოსამსახურის მიმართ სასტიკი მოპყრობა, მისთვის ფიზიკური და ზნეობრივი ტანჯვის მიყენება დაუშვებელია.

მუხლი 4.

1. ჰაუპტვახტი ფუნქციონირებს საქართველოს შეიარაღებული ძალების გენერალური შტაბის სამხედრო პოლიციის დეპარტამენტის (შემდგომში - სამხედრო პოლიცია) სტრუქტურაში.
2. ჰაუპტვახტში საკმარისი ადგილების უქონლობის ან სხვა მიზეზის გამო არფუნქციონირების შემთხვევაში, პატიმრები შესაძლოა მოთავსდნენ ტერიტორიულად ყველაზე ახლოს მდებარე ჰაუპტვახტში.
3. პატიმრების ჰაუპტვახტში გადაყვანას (ბადრაგირებას) უზრუნველყოფენ ამისთვის სპეციალურად გამოყოფილი სამხედრო პოლიციის მოსამსახურეები.

მუხლი 5.

1. ჰაუპტვახტში მოთავსდებიან შესაბამისი რაიონული (საქალაქო) სასამართლოს გადაწყვეტილებით დაპატიმრებული და სამხედრო პოლიციის უფლებამოსილი თანამდებობის პირის მიერ ადმინისტრაციული წესით დაკავებული სამხედრო მოსამსახურეები (შემდგომში - სამხედრო მოსამსახურე(ები)).
2. სამხედრო მოსამსახურეებს ჰაუპტვახტში ათავსებენ ერთმანეთისგან განცალკევებით:
 - ა) ქალებს;
 - ბ) სამხედრო სავალდებულო სამსახურის სამხედრო მოსამსახურეებს;
 - გ) საკონტრაქტო (პროფესიულ) სამხედრო სამსახურის სამხედრო მოსამსახურეთა კაპრალებისა და სერჟანტების (მიჩმანების) შემადგენლობას;
 - დ) საკონტრაქტო (პროფესიულ) სამხედრო სამსახურის მოსამსახურეთა უმცროს ოფიცერთა შემადგენლობას.



თავი II

სამხედრო მოსამსახურეების ჰაუპტვახტში გადაყვანა

(ბადრაგირება-თანხლება)

მუხლი 6.

1. სამხედრო მოსამსახურეების გადაყვანა (ბადრაგირება) ჰაუპტვახტში, სასამართლოში და სხვაგან ხორციელდება საშტატო იარაღით (საჭიროების შემთხვევაში ავტომატური ცეცხლსასროლი იარაღით), ამისთვის სპეციალურად უფლებამოსილი შეიარაღებული პირების თანხლებით.
2. სამხედრო მოსამსახურეების გადაყვანისას, თანმხლები პირები ვალდებული არიან იარაღი გამოიყენონ საქართველოს კანონმდებლობით დადგენილი წესით.
3. სამხედრო მოსამსახურეების ბადრაგირებისას ქალაქების, მსხვილი დასახლებული პუნქტების, საზოგადოებრივი თავშეყრის ადგილების გადაკვეთა, გარდა აუცილებლობისა, აგრეთვე საზოგადოებრივ ტრანსპორტში სამხედრო მოსამსახურეებთან ერთად მგზავრობა აკრძალულია.
4. ჰაუპტვახტის უფროსის ან მისი ხელმძღვანელის გადაწყვეტილებით, სამხედრო მოსამსახურეების გადასაყვანად გამოიყოფა სპეციალური ტრანსპორტი, ასევე საპატრულო ან ოპერატიული დანიშნულების ტრანსპორტი.
5. სპეციალური ტრანსპორტით გადაადგილებისას (ბადრაგირებისას), სამხედრო მოსამსახურეები განთავსდებიან სახით მოძრაობის საწინააღმდეგო ან გვერდით მხარეს, რა დროსაც ეკრძალებათ ადგომა და მოძრაობის მიმართულებით შეტრიალება. მგზავრობის დროს სატრანსპორტო საშუალება უზრუნველყოფილი უნდა იყოს შიდაგანათებისა და კონდენცირების საშუალებებით. გადაადგილების დროს სამხედრო მოსამსახურეები უზრუნველყოფილი უნდა იქნენ საკვებით და სასმელი წყლით.
6. სამხედრო მოსამსახურეების გადაადგილების (ბადრაგირების) სხვა დამატებითი პირობები შეიძლება განსაზღვროს ჰაუპტვახტის უფროსმა ან მისმა ხელმძღვანელმა.

მუხლი 7.

1. ჰაუპტვახტში მიყვანილ სამხედრო მოსამსახურეებს მიიღებს ჰაუპტვახტის უფროსი, ჰაუპტვახტის უფროსის თანაშემწე ან ჰაუპტვახტის მორიგე და პატიმართა წიგნში აფიქსირებს მათ სამსახურებრივ მონაცემებს, სამედიცინო შემოწმების აღნიშვნას, შესაძლებელი ჩამორთმეული (ჩაბარებული) აკრძალული ნივთებისა და დოკუმენტების ჩამონათვალს, ჩაბარებული ფულის ოდენობას, პატიმრობის საფუძველს, ვადას და მისი გათავისუფლების/გადაცემის შესახებ აღნიშვნებს.
2. სამხედრო მოსამსახურეების მიღებისას, წარმოებს მათი პირადი შემოწმება. პირადი შემოწმება შეუძლია აწარმოოს საამისოდ უფლებამოსილმა პირმა, რომელიც გასასინჯი პირის სქესისაა, იმავე სქესის ორი პირის თანდასწრებით. შემოწმებისას ხდება სამხედრო მოსამსახურის სხეულის, ტანსაცმლისა და ფეხსაცმლის დათვალიერება. პლასტიკური, თაბაშირის და სხვა ნახვევები მოწმდება სამედიცინო სამსახურის მუშაკთან ერთად. ტანსაცმელში ჩაკერებული ნივთების აღმოჩენისას ქსოვილი იჭრება. ფეხსაცმლიდან ამოიღება სუპინატორები და მეტალის დეტალები. სამხედრო მოსამსახურეს დარჩება მხოლოდ ის ნივთები, რომელთა შენახვის უფლებაც მათ გააჩნიათ დადგენილი წესებით. დატოვებული პირადი ნივთები აღირიცხება შესაბამის ბარათში (ჟურნალში).
3. პირადი შემოწმებისას დაცული უნდა იქნას ადამიანის პატივი და ღირსება, დაუშვებელია პირის დამცირება.
4. პირადი შემოწმების თაობაზე დგება ოქმი, რომელსაც თან ერთვის აქტი ნივთების ჩამორთმევის თაობაზე. ოქმს ხელს აწერს სამხედრო მოსამსახურე და ჰაუპტვახტის უფლებამოსილი პირი, რომელიც აწარმოებდა შემოწმებას.
5. ჰაუპტვახტში მიღების დროს სამხედრო მოსამსახურემ უნდა გაიაროს სამედიცინო კონტროლი, რომელსაც ატარებს ექიმი და ახდენს სამედიცინო შემოწმების შედეგების დეტალურად აღწერას და აღნიშვნას შესაბამის ჟურნალში შეტანით.
6. მიღებაზე უფლებამოსილი პირი დაუყოვნებლივ გააცნობს სამხედრო მოსამსახურეს მის უფლებებსა და მოვალეობებს, ჰაუპტვახტის შინაგანაწესს (განრიგს).
7. ჰაუპტვახტში მიმღებ პასუხისმგებელ პირს, მიღებული და ამოღებული ნივთების სია, დოკუმენტები და ფულის რაოდენობის მონაცემები პატიმართა წიგნში შეაქვს სამხედრო მოსამსახურის თანდასწრებით და



ამღევს მას ხელწერილს მათ მიღებაზე.

8. ჰაუპტვახტის მორიგე, სამხედრო მოსამსახურეებს გუშაგების მეშვეობით ათავსებს შესაბამის საკანში.

თავი III

ჰაუპტვახტში სამხედრო მოსამსახურეების ყოფნა, მათი ვალდებულებები, უფლებები და სოციალური გარანტიები

მუხლი 8.

1. სამხედრო მოსამსახურეები ჰაუპტვახტში მოთავსდებიან საერთო ან ერთადგილიან საკნებში.
2. სამხედრო მოსამსახურეები უზრუნველყოფილნი არიან კვებით – კანონმდებლობით დადგენილი სამხედრო მოსამსახურის ძირითადი ულუფით.
3. სამხედრო მოსამსახურის ძილისათვის გათვალისწინებულია დღე-ღამის განმავლობაში 7 (შვიდი) საათი.
4. დღე-ღამის განმავლობაში, გარდა სამუშაოს შესრულებისა და სეირნობის დროისა, დღის განრიგის მიხედვით, სამხედრო მოსამსახურეები იმყოფებიან ბოქლომზე დაკეტილ საკნებში.

მუხლი 9.

სამხედრო მოსამსახურეს უფლება აქვს:

- ა) უზრუნველყოფილ იქნას კვებით, ტანსაცმლითა და შრომის უსაფრთხოებით; სამედიცინო დახმარებით (საჭიროების შემთხვევაში უტარდება გადაუდებელი მკურნალობა);
- ბ) ნებისმიერ დროს მოითხოვოს და მიეცეს შესაძლებლობა დაიკმაყოფილოს ბუნებრივი და ფიზიოლოგიური მოთხოვნები და შესაძლებლობა ჰქონდეს, დაიცვას პირადი ჰიგიენა;
- გ) ჰაუპტვახტის უფროსის ან უფლებამოსილი პირის ნებართვით შეინახოს და გამოიყენოს ჰაუპტვახტში დადგენილი წესით განსაზღვრული ნივთები;
- დ) შეიტანოს საჩივარი ჰაუპტვახტის მოსამსახურეთა, სამინისტროს ან სხვა სახელმწიფო დაწესებულების უკანონო მოქმედებაზე;
- ე) მოითხოვოს დამცველთან შეხვედრა შეუზღუდავად;
- ვ) სამხედრო პოლიციის უფროსის ნებართვით შეხვედეს ოჯახის წევრებს;
- ზ) განახორციელოს კანონმდებლობით დადგენილი სხვა უფლებები.

მუხლი 10.

სამხედრო მოსამსახურე ვალდებულია:

- ა) დაიცვას შინაგანაწესი;
- ბ) შეასრულოს ჰაუპტვახტის მოსამსახურეთა კანონიერი მოთხოვნები;
- გ) დაიცვას სანიტარიულ-ჰიგიენური მოთხოვნები;
- დ) დაიცვას ხანძარსაწინააღმდეგო უსაფრთხოების წესები;
- ე) გაუფრთხილდეს ჰაუპტვახტის ქონებას;
- ვ) დაასუფთავოს საკანი და სხვა სათავსოები რიგითობის დაცვით;
- ზ) არ განახორციელოს ჰაუპტვახტის მოსამსახურეთა და სხვა პირთა ღირსების დამამცირებელი მოქმედებები;
- თ) არ გაუწიოს წინააღმდეგობა ჰაუპტვახტის მოსამსახურეებსა და სხვა პირებს თავიანთი სამსახურებრივი მოვალეობების განხორციელებისას;



ი) არ ჩაიდინოს განზრახი ქმედებები, რომელიც ემუქრება მისი ან სხვა პირების სიცოცხლესა და ჯანმრთელობას;

კ) დაიცვას დღის წესრიგი;

ლ) ზრდილობიანად მოეპყროს ჰაუპტვახტის მოსამსახურეებსა და სხვა პირებს;

მ) ჰაუპტვახტის მოსამსახურეთა, აგრეთვე სხვა უფლებამოსილ პირთა მოთხოვნით აცნობოს მათ თავისი ვინაობა;

ნ) დაიცვას სიჩუმე;

ო) იმორიგეოს საკანში რიგის დაცვით;

პ) განახორციელოს ჰაუპტვახტის ხელმძღვანელობის მიერ დადგენილი სხვა ქმედებები.

მუხლი 11.

სამხედრო მოსამსახურეს ეკრძალება:

ა) იქონიოს, მიიღოს, შეიძინოს, შეინახოს და გამოიყენოს ნივთები, ნივთიერებები და საკვები პროდუქტები, რომელთა შენახვა და გამოყენება აკრძალულია კანონმდებლობისა და ინსტრუქციის შესაბამისად;

ბ) იქონიოს მიმოწერა, ისაუბროს ან გადასცეს რაიმე საგნები სხვა საკნებში მყოფ პირებს, დაუკავშირდეს მათ კაკუნის საშუალებით;

გ) დააბინძუროს საკნის სანიტარიული კვანძი;

დ) საკნის კედლებიდან ჩამოხსნას ინფორმაცია სამხედრო მოსამსახურეთა ძირითადი უფლებებისა და მოვალეობების შესახებ;

ე) დააბინძუროს ან დააზიანოს საკნის კედლები ან/და ინვენტარი;

ვ) იხმაუროს ან სხვაგვარად დაარღვიოს სიჩუმე;

ზ) განახორციელოს ჰაუპტვახტის ხელმძღვანელობის მიერ აკრძალული სხვა ქმედებები.

თ) რადიოს მოსმენა და ტელევიზორის ყურება;

ი) აზარტული თამაში;

კ) ამანათების მიღება;

ლ) წერილების გაგზავნა ან მიღება;

მ) მობილური ტელეფონით სარგებლობა.

მუხლი 12.

სამხედრო მოსამსახურეებს ეკრძალებათ, ჰაუპტვახტში შეიტანონ, შეინახონ და გამოიყენონ ქვემოთ ჩამოთვლილი კვების პროდუქტები, ნივთები, ნაკეთობები, ნივთიერებები და დოკუმენტები:

ა) სამოქალაქო ბრუნვიდან ამოღებული საგანი, ნივთი და ნივთიერება;

ბ) ცეცხლსასროლი და ცივი იარაღის ყველა სახეობა, სხვა ბასრი და მჩხვლეტავი საგანი, სანთებელა;

გ) სატრანსპორტო საშუალება;

დ) ფეთქებადი, მომწამლავი და ცეცხლსაშიში ნივთიერება;



ე) ფული, ფასეული ნივთები, ფასიანი ქაღალდები;

ვ) ოპტიკური ხელსაწყო;

ზ) საკვები პროდუქტი, რომელიც საჭიროებს სითბურ დამუშავებას, საფუარი, შაქარი;

თ) ალკოჰოლური სასმელის ყველა სახეობა;

ი) სუნამო, ოდეკოლონი და სხვა სპირტზე დამზადებული ნივთიერება;

კ) გადასამრავლებელი აპარატი;

ლ) ნაჯახი, ჩაქუჩი და სხვა ინსტრუმენტი;

მ) აზარტული თამაშებისთვის განკუთვნილი ნივთი;

ნ) ყველა სახის ელექტრო, მათ შორის ფოტო, ვიდეო და ციფრული ტექნიკა;

ო) მობილური ტელეფონი;

პ) ნებისმიერი დოკუმენტი (გარდა შემეცნებითი, რელიგიური და საკანონმდებლო ლიტერატურისა, ასევე, სასამართლო გადაწყვეტილებ(ებ)ისა);

ჟ) ტოპოგრაფიული რუკა და კომპასი;

რ) დაუდგენელი ნიმუშის სამხედრო და სხვა ფორმის ტანსაცმელი და ამ სახეობის ტანსაცმელს მიკუთვნებული ზედა სამოსი, ქუდი და ფეხსაცმელი;

ს) ქამარი, ფეხსაცმლის თასმები;

ტ) ფანქარი, ფლომასტერი, საღებავი, კოპირების ქაღალდები, ქიმიკატები.

მუხლი 13.

1. ჰაუპტვახტში სამხედრო მოსამსახურეების დღის განრიგს ადგენს ჰაუპტვახტის უფროსი და ამტკიცებს სამხედრო პოლიციის დეპარტამენტის უფროსი.
2. ჰაუპტვახტის საერთო საკნებში მოთავსებული სამხედრო სავალდებულო სამსახურის სამხედრო მოსამსახურეები დღე-ღამეში შეიძლება 9 საათით იქნენ გაყვანილი ჰაუპტვახტის ტერიტორიაზე ჰაუპტვახტში სამეურნეო სამუშაოების შესასრულებლად, რომელთა ხელმძღვანელად შეიძლება დაინიშნოს საერთო საკნებში მოთავსებული – საკონტრაქტო (პროფესიული) სამხედრო სამსახურის სამხედრო მოსამსახურე - კაპრალი ან სერჟანტი (მიჩმანი).
3. ჰაუპტვახტში მოთავსებულ სამხედრო სავალდებულო სამსახურის სამხედრო მოსამსახურეებსა და საკონტრაქტო (პროფესიული) სამხედრო სამსახურის სამხედრო მოსამსახურეებს – კაპრალებსა და სერჟანტებს (მიჩმანებს), თუ ისინი სამუშაოზე არ გაჰყავთ, შეიძლება ყოველდღიურად ჩაუტარდეთ 4 საათიანი მეცადინეობა სამწყობრო მომზადებაში და წესდებების შესასწავლად.
4. ჰაუპტვახტის საკნებში სამხედრო მოსამსახურეების რაოდენობის ყოველდღიური დილისა და საღამოს გამოძახება ტარდება ჰაუპტვახტის მორიგის ან მორიგის თანაშემწის მიერ სახელობითი სიის მიხედვით.
5. ჰაუპტვახტის შენობის ყოველდღიური და საერთო (კვირაში ერთხელ) დასუფთავება წარმოებს სამხედრო მოსამსახურეების მიერ ჰაუპტვახტის მორიგის და მორიგის თანაშემწის მეთვალყურეობით.

მუხლი 14.

1. სამხედრო მოსამსახურეებს იმ დღეებში, როდესაც ისინი არ მუშაობენ, ასევე ჰაუპტვახტის ერთადგილიან საკნებში მყოფთ, ყოველდღიურად 1 (ერთი) საათით გუშაგის თანხლებით, გამოიყვანენ სასაქონლოდ ამ ინსტრუქციის მე-5 მუხლის მე-2 პუნქტში განსაზღვრული პატიმრების განცალკევების პრინციპით.
2. ყოველ დღით და საღამოს პირადი ჰიგიენის მოწესრიგებისათვის, სამხედრო მოსამსახურეები გუშაგის თანხლებით გამოჰყავთ საკნების მიხედვით.
3. ბუნებრივი მოთხოვნილებების დასაკმაყოფილებლად, სამხედრო მოსამსახურეები საკნებიდან



მუხლი 15.

1. კანონმდებლობით გათვალისწინებულ შემთხვევაში, ჰაუპტვახტის გარეთ გასვლისას სამხედრო მოსამსახურეებს უნდა ეცვათ სამხედრო ფორმის ტანსაცმელი.
2. სამხედრო მოსამსახურეების ჰაუპტვახტის გარეთ გასვლისას, უფლებამოსილი პირის გადაწყვეტილებით გამოიყოფა სპეციალური, საპატრულო ან ოპერატიული ტრანსპორტი.
3. ჰაუპტვახტის გარეთ სამხედრო მოსამსახურეების თანხლებისათვის, ბადრაგები გამოიყოფიან ჰაუპტვახტის განწყისის შემადგენლობიდან. როდესაც აღნიშნულის განხორციელება შეუძლებელია, ხელმძღვანელი თანამდებობის პირის გადაწყვეტილებით, ინიშნება დამატებითი განწყისი.

მუხლი 16.

1. სამხედრო მოსამსახურეებს საკანში ყოფნისას უნდა ჰქონდეთ საცვლები, სამუშაო ტანსაცმელი და ფეხსაცმელი. დანარჩენი ნივთები იწახება საკნის გარეთ, ჰაუპტვახტში დადგენილი წესით, ძილის დროს პატიმრებს მიეცემათ დათბილული ქურთუკი და ნება ეძლევათ გაიხადონ ფეხსაცმელი, ხოლო საკანში +18 გრადუსზე დაბალი ტემპერატურის დროს დათბილული ქურთუკი მიეცემათ დღისითაც.
2. საკნები უნდა განიავდეს ყოველდღიურად, იმ დროს, როდესაც პატიმრები იმყოფებიან სასაერთოდ, სამუშაოზე ან აბანოში.
3. ჰაუპტვახტის შენობის დეზინფექცია ტარდება თვეში ერთხელ, ხოლო საპირფარეშოებისა – კვირაში ერთხელ.
4. სამხედრო მოსამსახურეები აბანოში უნდა იბანდნენ ჰაუპტვახტის განრიგის შესაბამისად. ამავე პერიოდში ტარდება პატიმრების სამედიცინო შემოწმებაც.
5. ჰაუპტვახტიდან სამკურნალო დაწესებულებაში გაგზავნილ პატიმრებს, ამ დაწესებულებაში ყოფნის ვადა ეთვლებათ სასამართლო გადაწყვეტილებით განსაზღვრული პატიმრობის ვადაში. გამოჯანმრთელების შემდეგ პატიმრები, რომლებსაც სამკურნალო დაწესებულებაში ყოფნისას შეუსრულდათ მოსამართლის მიერ დადგენილი პატიმრობის სრული ვადა, ბრუნდებიან თავიანთ სამხედრო შენაერთებში (სამუშაო ადგილებზე), ხოლო, პატიმრობის სრული ვადის არ გასვლის შემთხვევაში – ბადრაგის თანხლებით, ჰაუპტვახტში.

მუხლი 17.

1. ჰაუპტვახტის ერთადგილიან საკნებში მოთავსებული სამხედრო მოსამსახურეები იკვებებიან (საჭმელს იღებენ) საკნებში.
2. სამხედრო მოსამსახურეების კვება ხორციელდება საკნებში ან ჰაუპტვახტის სასადილო ოთახში, რომლის დროსაც საჭმელი გაიცემა სხვადასხვა დროს - მე-5 მუხლის მე-2 პუნქტით განსაზღვრული პატიმრების განცალკევების პრინციპით.
3. თუ ჰაუპტვახტის სასადილოში სამზარეულო არ ფუნქციონირებს (არ მზადდება საჭმელი), ამ შემთხვევაში პატიმრების კვებით უზრუნველყოფა, ჰაუპტვახტის უფროსის წარდგინების საფუძველზე, ხორციელდება უახლოესი სამხედრო ნაწილიდან.

თავი IV

ჰაუპტვახტიდან გათავისუფლება

მუხლი 18.

1. დადგენილი პატიმრობის/დაკავების ვადის დამთავრებისას (დასვენებისა და უქმე დღეების ჩათვლით), ჰაუპტვახტიდან სამხედრო მოსამსახურეები თავისუფლდებიან ჰაუპტვახტის უფროსის, ჰაუპტვახტის უფროსის თანაშემწის ან ჰაუპტვახტის მორიგის მიერ.
2. დადგენილი პატიმრობის/დაკავების ვადის გასვლისას, ჰაუპტვახტის მორიგე ატყობინებს ქვედანაყოფის (სამხედრო ნაწილის) უფროსს ან სამხედრო პოლიციის შესაბამისი ქვედანაყოფის უფროსს წარმომადგენლის გამოგზავნის საჭიროების შესახებ.
3. ამ მუხლის პირველი პუნქტით განსაზღვრული პირი დადგენილი პატიმრობის/დაკავების ვადის გასვლისას:



ა) ათავისუფლებს სამხედრო მოსამსახურეებს;

ბ) შესაბამის წიგნში და სახელობით სიაში აკეთებს შესაბამის აღნიშვნებს და გათავისუფლებულ სამხედრო მოსამსახურეს ხელწერილით გადასცემს ჩამორთმეულ ნივთებს;

გ) გათავისუფლებული სამხედრო მოსამსახურის ქვედანაყოფის (სამხედრო ნაწილის) უფროსთან წარსადგენად აგზავნის მიწერილობას გათავისუფლების შესახებ.

4. სამხედრო მოსამსახურეზე ადრე გაცემული ხელწერილი მისგან ნივთების, ფულისა და დოკუმენტების მიღების თაობაზე ნადგურდება.

თავი V.

ჰაუპტვახტის ხელმძღვანელობა და მოსამსახურეები

მუხლი 19.

1. ჰაუპტვახტს ხელმძღვანელობს ჰაუპტვახტის უფროსი. ჰაუპტვახტის უფროსი პასუხს აგებს ჰაუპტვახტში წესრიგზე. ჰაუპტვახტის უფროსს ჰყავს მოადგილე, რომელიც ასრულებს უფროსის მოვალეობას მისი არყოფნის შემთხვევაში.

2. ჰაუპტვახტის მოსამსახურეები ვალდებულნი არიან დაიცვან კანონმდებლობა, ინსტრუქცია და არ დაარღვიონ სამხედრო მოსამსახურეთა უფლებები.

3. ჰაუპტვახტის მოსამსახურეთა უფლება-მოვალეობები განისაზღვრება სამხედრო პოლიციის დეპარტამენტის უფროსის ბრძანებით.

დანართი №2

დისციპლინური დარღვევის

ოქმი N

(ოქმის შედგენის ადგილი)

“-----” “-----” 20 წ.

სთ. “-----” “-----” წთ.

(ოქმის შედგენის დრო)

ოქმის შემდგენი უფლებამოსილი პირი (მეთაური, უფროსი, სამხ.პოლიციის დეპარტამენტის უფლებამოსილი პირი) -----



მონაცემები დამრღვევის შესახებ -----

(ს/წოდება, თანამდებობა, სახელი, გვარი, დაბადების ადგილი და თარიღი, განათლება,

საცხ.მისამართი და ოჯახური მდგომარეობა)

ინფორმაცია დისციპლინური დარღვევის შესახებ (ადგილი, დრო, არსი) -----

სამხედრო ძალების სადისციპლინო წესდების -----

(მუხლი, პუნქტი, ქვეპუნქტი)

სამხედრო სადისციპლინო წესდების მოთხოვნათა შესაბამისად დისციპლინურ დამრღვევს _____
განემართა მისი უფლებები და მოვალეობები.

დისციპლინურ პასუხისგებაში მიცემულ პირს უფლება აქვს გაეცნოს საქმის მასალებს, მისცეს ახსნა-განმარტებანი, წარადგინოს მტკიცებულებანი, განაცხადოს შუამდგომლობანი, საქმის განხილვისას ისარგებლოს ადვოკატის იურიდიული დახმარებით, ისარგებლოს თარჯიმნის მომსახურებით, გაასაჩივროს საქმის გამო მიღებული გადაწყვეტილება.

დისციპლინის დამრღვევის ახსნა-განმარტება

მოწმე, დაზარალებული, დაინტერესებული პირი (თუ არის):



1. -----

/-----/

(სახელი, გვარი, მამის სახელი, საცხ.მისამართი, პირადი N /ხელმოწერა/)

2. -----

/-----/

(სახელი, გვარი, მამის სახელი, საცხ.მისამართი, პირადი N /ხელმოწერა/)

3. -----

/-----/

(სახელი, გვარი, მამის სახელი, საცხ.მისამართი, პირადი N /ხელმოწერა/)

საქმის გადასაჭრელად საჭირო სხვა ცნობები

დისციპლინის დამრღვევი -----/-----/

(ს/წოდება, ხელმოწერა ან ხელმოწერაზე უარის აღნიშვნა, თარიღი)

ოქმის შემდგენი ----- /-----/

(ს/წოდება, სახელი, გვარი, /ხელმოწერა, თარიღი/)

ბ.ა.

დანართი №3

ღირსეული საქციელის ჩადენის შესახებ

ოქმი N

(ოქმის შემდგენის ადგილი)

“-----”“-----” 20 წ.

სთ. “-----”“-----”წთ.

(ოქმის შემდგენის დრო)



ოქმის შემდგენი უფლებამოსილი პირი (მეთაური, უფროსი, სამხ.პოლიციის დეპარტამენტის უფლებამოსილი პირი)-----

(ოქმის შემდგენის თანამდებობა, ს/წოდება, სახელი, გვარი)

მონაცემები ღირსეული საქციელის ჩამდენის შესახებ -----

(ს/წოდება, თანამდებობა, სახელი, გვარი, დაბადების ადგილი და თარიღი, განათლება,

საცხ.მისამართი და ოჯახური მდგომარეობა)

ინფორმაცია ღირსეული საქციელის ჩამდენის შესახებ (ადგილი, დრო, არსი) -----

სამხედრო ძალების სადისციპლინო წესდების -----

(მუხლი, პუნქტი, ქვეპუნქტი)

მოწმე, დაინტერესებული პირი (თუ არის):

1. -----

/-----/

(სახელი, გვარი, მამის სახელი, საცხ.მისამართი, პირადი N /ხელმოწერა/)

2. -----

/-----/

(სახელი, გვარი, მამის სახელი, საცხ.მისამართი, პირადი N /ხელმოწერა/)

საქმის გადასაჭრელად საჭირო სხვა ცნობები

ღირსეული საქციელის ჩამდენი ----- /-----/

(ს/წოდება, ხელმოწერა ან ხელმოწერაზე უარის აღნიშვნა, თარიღი)

ოქმის შემდგენი ----- /-----/



(სწოდება, სახელი, გვარი, /ხელმოწერა, თარიღი/)

ბ.ა.

